

### O b r a z l o ž e n j e

Članom 40. Zakona o osnovnoj školi („Službene novine Zeničko- dobojskog kantona“, broj: 5/04 i 20/07) propisano je da udžbenike i nastavna sredstva za upotrebu odobrava Ministarstvo. Istim članom je definirano da se pod udžbenikom, kao nastavnim sredstvom, podrazumijevaju i zbirke zadataka, priručnik, radna sveska i druga stručna literatura, koja zamjenjuje udžbenik ili njegov sastavni dio, izrađena u skladu sa koncepcijom udžbenika.

Utvrđeno je da *Njemački jezik-radna sveska* za VII razred devetogodišnje osnovne škole autorice Zlate Maglajlije ima dvije pozitivne recenzije i odobren udžbenik na koji se odnosi radna sveska od strane Federalnog ministarstva i nauke.

Na osnovu izloženog, riješeno je kao u dispozitivu rješenja.

Izdavač „Dječija knjiga“ Sarajevo i „Bosanska riječ“ Sarajevo ima pravo ovu radnu svesku, zavisno od interesovanja učenika štampati na bosanskom, hrvatskom ili srpskom jeziku.

Broj: 10-38-22603-4-4/10  
Zenica, 31.08.2010.godine

**MINISTRICA**

**Zdenka Merdžan, s.r.**

**381.**

Na osnovu člana 40. stava 1. i 3. Zakona o osnovnoj školi („Službene novine Zeničko- dobojskog kantona“, broj: 5/04 i 20/07), ministrica Ministarstva za obrazovanje, nauku, kulturu i sport, d o n i j e l a j e

### R J E Š E N J E

Odobrava se upotreba *Engleski jezik-radna sveska* za VII razred devetogodišnje osnovne škole u svim osnovnim školama na području Zeničko- dobojskog kantona u 2010/11.godini.

### O b r a z l o ž e n j e

Članom 40. Zakona o osnovnoj školi („Službene novine Zeničko- dobojskog kantona“, broj: 5/04 i 20/07) propisano je da udžbenike i nastavna sredstva za upotrebu odobrava Ministarstvo. Istim članom je definirano da se pod udžbenikom, kao nastavnim sredstvom, podrazumijevaju i zbirke zadataka, priručnik, radna sveska i druga

stručna literatura, koja zamjenjuje udžbenik ili njegov sastavni dio, izrađena u skladu sa koncepcijom udžbenika.

Utvrđeno je da *Engleski jezik-radna sveska* za VII razred devetogodišnje osnovne škole autorica Mire Grbić i Rade Bijelić ima dvije pozitivne recenzije i odobren udžbenik na koji se odnosi radna sveska od strane Federalnog ministarstva i nauke.

Na osnovu izloženog, riješeno je kao u dispozitivu rješenja.

Izdavač „Dječija knjiga“ Sarajevo i „Bosanska riječ“ Sarajevo ima pravo ovu radnu svesku, zavisno od interesovanja učenika štampati na bosanskom, hrvatskom ili srpskom jeziku.

Broj: 10-38-22603-4-5/10  
Zenica, 31.08.2010.godine

**MINISTRICA**

**Zdenka Merdžan, s.r.**

### MINISTARSTVO ZA PROSTORNO UREĐENJE, PROMET I KOMUNIKACIJE I ZAŠTITU OKOLINE

**382.**

Na osnovu člana 25. stav (2) Odluke o organizaciji i načinu obavljanja taksiprijevoza putnika na području Zeničko-dobojskog kantona („Službene novine Zeničko-dobojskog kantona“, broj 6/10), ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi

### P R A V I L N I K o polaganju posebnog ispita za taksivozača u Zeničko-dobojskom kantonu

#### DIO PRVI - OPĆE ODREDBE

##### Član 1. (Predmet)

Ovim pravilnikom propisuje se program, način polaganja posebnog ispita za taksivozača, sastav ispitne komisije, način izdavanja uvjerenja i način vođenja evidencije o izdatim uvjerenjima.

##### Član 2. (Pravo polaganja ispita)

Pravo polaganja posebnog ispita za taksivozača (u daljem tekstu: ispit) ima kandidat koji ispunjava uvjete, u pogledu stručne spreme za zanimanje vozač motornih

vozila, predviđene članom 9. stav 2. Zakona o cestovnom prijevozu Federacije Bosne i Hercegovine („Službene novine Federacije BiH“, broj 28/06 i 2/10) i ima vozačku dozvolu za “B” kategoriju.

### Član 3.

#### (Program polaganja ispita)

- (1) Ispit se polaže po programu, koji je prilog broj 1. i čini sastavni dio ovog pravilnika.
- (2) Programom iz stava (1) ovog člana utvrđuju se oblasti i literatura po kojima se polaže ispit.
- (3) Program polaganja ispita sastoji se od općeg i posebnog dijela.
- (4) Ministarstvo za prostorno uređenje, promet i komunikacije i zaštitu okoline Zeničko-dobojskog kantona (u daljem tekstu: Ministarstvo) će izraditi Priručnik za polaganje ispita usklađen sa programom iz stava (1) ovog člana u roku od 30 dana od dana stupanja na snagu ovog pravilnika.

## DIO DRUGI - ISPIT

### Član 4.

#### (Prijava ispita)

- (1) Prijava za polaganje ispita podnosi se Ministarstvu putem nadležne službe za poslove cestovnog prometa općine (u daljem tekstu: nadležna općinska služba) u kojoj kandidat ima prebivalište.
- (2) Prijava iz stava (1) ovog člana se podnosi na obrascu koji je prilog broj 2. i čini sastavni dio ovog pravilnika.
- (3) Uz prijavu se prilaže:
  - a) dokaz o ispunjavanju uvjeta iz člana 2. ovog pravilnika;
  - b) ovjerena fotokopija lične karte;
  - c) dokaz o uplati troškova za polaganje ispita iz člana 14. ovog pravilnika.

### Član 5.

#### (Mjesto i vrijeme polaganja ispita)

- (1) Ministarstvo utvrđuje da li kandidat ispunjava uvjete propisane ovim pravilnikom, te određuje mjesto i vrijeme polaganja ispita, o čemu obavještava ispitnu komisiju kao i kandidata oglasom putem nadležne općinske službe najkasnije 7 dana prije datuma polaganja ispita.
- (2) Kandidatu koji nije ispunio sve propisane uvjete za polaganje ispita, neće se odobriti polaganje ispita.
- (3) Ispit se održava u zavisnosti od zainteresiranosti kandidata.
- (4) Ministarstvo je dužno zainteresiranom kandidatu omogućiti polaganje ispita u roku od 30 dana, od dana prijema prijave za polaganje.

- (5) Kandidat koji ne položi ispit ima pravo ponovnog polaganja, najranije 30 dana nakon posljednjeg neuspjelog polaganja.

### Član 6.

#### (Nepristupanje i odustajanje od ispita)

- (1) Kandidat ima pravo, najkasnije 24 sata prije početka ispita, iz opravdanih razloga odgoditi ispit i bez plaćanja nove naknade pristupiti polaganju ispita u novom terminu.
- (2) Odgađanje ispita iz stava (1) ovog člana kandidat je dužan pismeno zatražiti od Ministarstva.
- (3) Ukoliko kandidat na vrijeme ne odjavi ispit ili odustane od već započetog polaganja ispita, smatrat će se da ispit nije položio.
- (4) Ukoliko se utvrdi da je kandidat stekao pravo polaganja ispita na osnovu lažne isprave ili na osnovu neistinitih navoda iz prijave, eventualno položeni ispit će se poništiti kao i izdato uvjerenje o položenom ispitu.

### Član 7.

#### (Ispitna komisija)

- (1) Ispit se polaže pred komisijom koju svojim rješenjem imenuje ministar Ministarstva (u daljem tekstu: Ministar).
- (2) Mandat imenovane komisije traje 2 godine.
- (3) Komisija broji 3 člana od kojih su dva člana iz Ministarstva, s tim da je jedan predsjednik komisije i jedan član iz nadležne općinske službe koji je promjenljiv.
- (4) Za člana komisije iz reda Ministarstva može se imenovati lice koje je diplomirani inženjer saobraćaja.
- (5) Za člana komisije, na prijedlog nadležne općinske službe, može se imenovati lice koje ima visoku stručnu spremu.
- (6) Nadzor nad radom komisije provodi Ministar.

### Član 8.

#### (Zadaci ispitne komisije)

Komisija utvrđuje identitet kandidata na osnovu ličnih dokumenata, provjerava pravovaljanost prijave za polaganje ispita, daje detaljno uputstvo o načinu polaganja ispita, ispituje kandidata, ocjenjuje znanje kandidata i vodi zapisnik za svakog kandidata.

### Član 9.

#### (Zapisnik)

- (1) O polaganju ispita vodi se zapisnik koji sadrži: redni broj registra o polaganju ispita, ime i prezime kandidata, datum i mjesto polaganja ispita, ime i prezime članova ispitne komisije, ispitna pitanja i ocjenu ispita.
- (2) Zapisnik potpisuje predsjednik i članovi ispitne komisije.

**Član 10.**  
**(Polaganje ispita)**

- (1) Ispit se polaže usmeno.
- (2) Pitanja za polaganje ispita koncipirat će se prema oblastima sadržanim u programu iz člana 3. ovog pravilnika.
- (3) Kandidat izvlači listić koji sadrži četiri pitanja i to dva pitanja iz općeg dijela i dva pitanja iz posebnog dijela programa iz člana 3. ovog pravilnika.
- (4) Listići sa pitanjima za polaganje ispita predstavljaju službenu tajnu.

**Član 11.**  
**(Ocjena ispita)**

Znanje kandidata ocjenjuje se ocjenom „položio“ ili „nije položio“.

**Član 12.**  
**(Prigovori i žalbe)**

- (1) Kandidat ima pravo prigovora na postupak provođenja i rezultata ispita, u roku od tri dana od dana saopćavanja rezultata ispita.
- (2) O prigovoru odlučuje komisija za polaganje ispita u roku od tri dana, a protiv odluke komisije kandidat ima pravo žalbe u roku od 8 dana.
- (3) Žalba se podnosi Ministru, koji je dužan istu riješiti u roku od 30 dana.
- (4) U slučaju osnovanosti žalbe, kandidatu će se odrediti rok za ponovno polaganje ispita bez plaćanja troškova.

**Član 13.**  
**(Uvjerenje)**

- (1) O položenom ispitu Ministarstvo kandidatu izdaje uvjerenje na obrascu koji je prilog broj 3. i čini sastavni dio ovog pravilnika.
- (2) Uvjerenje se izdaje najkasnije u roku od 15 dana od dana položenog ispita.

**Član 14.**  
**(Naknade)**

- (1) Visinu naknade troškova za polaganje ispita i visinu naknade za ispitnu komisiju iz člana 7. ovog pravilnika rješenjem utvrđuje Ministar.
- (2) Kandidat snosi troškove polaganja ispita iz stava (1) ovog člana, te troškove izdavanja uvjerenja o položenom ispitu iz člana 13. stav (1) ovog pravilnika u skladu sa Zakonom o kantonalnim administrativnim taksama - Prečišćeni tekst („Službene novine Zeničko-dobojskog kantona“, broj 13/02, 12/03, 4/04, 5/04, 4/08, 7/09, 2/10 i 6/10).

**Član 15.**  
**(Vodenje evidencije)**

- (1) Ministarstvo vodi registar o položenim ispitima i izdatim uvjerenjima.
- (2) U registar iz stava (1) ovog člana upisuju se slijedeći podaci: redni broj, ime i prezime kandidata i ime jednog od roditelja, adresa stanovanja, datum i mjesto rođenja, datum polaganja ispita, broj izdatog uvjerenja i datum izdavanja uvjerenja.
- (3) Registar se vodi na obrascu koji je prilog broj 4. i čini sastavni dio ovog pravilnika.
- (4) Registar se zaključuje na kraju svake kalendarske godine i čuva se kao dokument trajne vrijednosti.

**DIO TREĆI – PRIJELAZNE I ZAVRŠNE ODREDBE**

**Član 16.**  
**(Započeti postupci)**

Na osnovu prijave za polaganje ispita koja je podnijeta do dana stupanja na snagu ovog pravilnika provest će se ispit po odredbama Pravilnika koji je bio na snazi u vrijeme podnošenja prijave.

**Član 17.**  
**(Prestanak važenja ranijeg Pravilnika)**

Stupanjem na snagu ovog pravilnika prestaje da važi Pravilnik o polaganju posebnog ispita za taksi vozača u Zeničko-dobojskom kantonu („Službene novine Zeničko-dobojskog kantona“, broj 17/07).

**Član 18.**  
**(Stupanje na snagu)**

Ovaj pravilnik stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 12-02-19859/10  
Datum, 16.07.2010.godine  
Zenica

**MINISTAR**  
**Nermin Mandra, s.r.**

<b>Prilog br. 1</b>
---------------------

## **PROGRAM** **posebnog ispita za taksivozača**

### **I. OPĆI DIO**

1. Osnovni podaci o Bosni i Hercegovini, Federaciji Bosne i Hercegovine, Zeničko-dobojskom kantonu i općinama Zeničko-dobojskog kantona
  - 1.1. Administrativni ustroj
  - 1.2. Geografski položaj
  - 1.3. Stanovništvo
    - 1.3.1. Broj stanovnika
    - 1.3.2. Nacionalni i vjerski sastav stanovništva
  - 1.4. Saobraćajni sistem
2. Privreda Zeničko-dobojskog kantona
  - 2.1. Prerađivačka industrija (značajni privredni subjekti po općinama)
  - 2.2. Energetika (značajni privredni subjekti po općinama)
  - 2.3. Rudarstvo-eksploatacija mineralnih sirovina (značajni privredni subjekti po općinama)
  - 2.4. Trgovina, ugostiteljstvo i turizam (značajni privredni subjekti po općinama)
3. Kulturno-historijski spomenici po općinama Zeničko-dobojskog kantona
4. Prirodna baština općina Zeničko-dobojskog kantona
  - 4.1. Rijeke, kanjoni, pećine, parkovi prirode i izletišta
5. Sport
  - 5.1. Sportski klubovi i objekti u općinama Zeničko-dobojskog kantona
6. Muzika i pozorišni život po općinama Zeničko-dobojskog kantona
7. Radio, televizija i štampa po općinama Zeničko-dobojskog kantona
8. Kulturne, umjetničke i znanstvene institucije po općinama Zeničko-dobojskog kantona
9. Manifestacije po općinama Zeničko-dobojskog kantona
  - 9.1. Kulturno-zabavne i sportske manifestacije
  - 9.2. Sajmovi i vašari
10. Turistička ponuda po općinama Zeničko-dobojskog kantona

### **II. POSEBNI DIO**

1. Organizacija i način obavljanja taksiprijevoza putnika na području Zeničko-dobojskog kantona
  - 1.1. Način organiziranja taksiprijevoza na području Kantona
  - 1.2. Broj i razmještaj taksistajališta, način njihovog korištenja, uređenja i održavanja i broj taksivozila na pojedinim taksistajalištima
  - 1.3. Način utvrđivanja i naplate cijene taksiprijevoza, ako se prevozi više putnika
  - 1.4. Način izdavanja dopunskih taksioznaka za vozila, njihova veličina, broj i izgled
  - 1.5. Prava i dužnosti vozača koji obavlja taksiprijevoz i putnika koji se prevoze taksivozilom
  - 1.6. Osnovni i dopunski uvjeti koje mora ispunjavati taksivozač i taksivozilo

### **Literatura**

Priručnik za polaganje posebnog ispita za taksivozača u Zeničko-dobojskom kantonu Ministarstva za prostorno uređenje, promet i komunikacije i zaštitu okoline Zeničko-dobojskog kantona

<b>Prilog br. 2</b>
---------------------

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**Ministarstvo za prostorno uređenje,**  
**promet i komunikacije i zaštitu okoline**

**PRIJAVA**  
**za polaganje posebnog ispita za taksivozača**

Redni broj registra: \_\_\_\_\_

Molim da mi se odobri polaganje posebnog ispita za taksivozača. O sebi dajem slijedeće podatke:

1.	Ime i prezime	
2.	Ime jednog roditelja	
3.	Datum, mjesto, općina, država rođenja	
4.	JMBG	
5.	Državljanstvo	
6.	Zanimanje	
7.	Adresa stanovanja	
8.	Telefon	
9.	Način pripremanja za ispit	
10.	Da li je već polagao ispit, koliko puta	
11.	Broj i datum izdavanja vozačke dozvole	

Uz prijavu prilažem dokumentaciju propisanu Pravilnikom i to:

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_

U \_\_\_\_\_  
\_\_\_\_\_ god.Podnosilac prijave  
\_\_\_\_\_

Na osnovu prijave i dokumenata priloženih, odobrava se kandidatu

---

polaganje posebnog ispita za taksivozača.

Polaganje ispita održat će se dana \_\_\_\_\_ godine u mjestu

\_\_\_\_\_ sa početkom u \_\_\_\_\_ sati.

U \_\_\_\_\_  
\_\_\_\_\_ god.

Potpis ovlaštene osobe

\_\_\_\_\_

Službene zabilješke:

---

---

---

---

Redni broj registra: \_\_\_\_\_

**Z A P I S N I K**  
**o polaganju posebnog ispita za taksivozača**

Ime i prezime kandidata \_\_\_\_\_

Datum i mjesto polaganja ispita \_\_\_\_\_

Članovi ispitne komisije:

1. Predsjednik \_\_\_\_\_

2. Član \_\_\_\_\_

3. Član \_\_\_\_\_

Pitanja na ispitu:

1. \_\_\_\_\_

2. \_\_\_\_\_

3. \_\_\_\_\_

Ocjena \_\_\_\_\_

Potpis članova ispitne komisije:

1. Predsjednik \_\_\_\_\_

2. Član \_\_\_\_\_

3. Član \_\_\_\_\_

<b>Prilog br. 3</b>
---------------------

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
Ministarstvo za prostorno uređenje,  
promet i komunikacije i zaštitu okoline**

Broj: \_\_\_\_\_ / \_\_\_\_\_

Zenica, \_\_\_\_\_ godine

Na osnovu člana 13. Pravilnika o polaganju posebnog ispita za taksivozača u Zeničko-dobojskom kantonu („Službene novine Zeničko-dobojskog kantona“, broj \_\_\_/10) Ministarstvo za prostorno uređenje, promet i komunikacije i zaštitu okoline Zeničko-dobojskog kantona izdaje

**U V J E R E N J E**  
**o položenom posebnom ispitu za taksivozača**

\_\_\_\_\_ rođen \_\_\_\_\_ godine u \_\_\_\_\_, država \_\_\_\_\_,  
(ime i prezime) (datum) (mjesto i općina) (država rođenja)

polagao je poseban ispit za taksivozača, po programu koji je propisan Pravilnikom o polaganju posebnog ispita za taksivozača u Zeničko-dobojskom kantonu, dana \_\_\_\_\_ godine pred ispitnom komisijom Ministarstva za prostorno uređenje, promet i komunikacije i zaštitu okoline Zeničko-dobojskog kantona i prema ocjeni ispitne komisije kandidat je

**Položio poseban ispit za taksivozača**

*Uvjerenje se izdaje uz naplatu takse u iznosu od \_\_\_\_\_ KM, prema članu \_\_\_\_\_ tarifni broj \_\_\_\_\_ Zakona o kantonalnim administrativnim taksama - Prečišćeni tekst („Službene novine Zeničko-dobojskog kantona“, broj 13/02, 12/03, 4/04, 5/04, 4/08, 7/09, 2/10 i 6/10).*

Potpis ovlaštene osobe

M.P. \_\_\_\_\_

Prilog br. 4

## Registar o položenom posebnom ispitu za taksivozača i izdatim uvjerenjima

Redni broj	Ime (ime oca ili majke) i prezime kandidata	Adresa stanovanja	Datum i mjesto rođenja	Datum polaganja ispita	Uvjerenje		Napomena
					Broj uvjerenja	Datum izdavanja	
1.							
2.							
3.							
4.							
5.							
6.							
7.							
8.							
9.							
10.							